



**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus, Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus, apprimè utile ...

**Monacellus, Franciscus  
Venetiis, 1706**

Deputationis Vicarii Generalis Formula I.

---

[urn:nbn:de:hbz:466:1-62406](#)



# FORMULARIUM LEGALE PRACTICUM

Fori Ecclesiastici.

## TITULUS I.

De electione, & deputatione Officialium.

Deputationis Vicarii Generalis.

### FORMULA I.

#### SUMMARIUM.

- 1 **C**lausula - Et alia omnia gerendi, etiamsi talia forent, quæ mandatum speciale requirerent, habet vim mandati specialiis.  
2 **V**icarius Generalis, quæ non possit facere sine mandato speciali?  
3 **O**nus Episcopatus gravissimum. Episcopus debet esse intentus internis, & externis, *ibid.*  
4 **E**piscopi plures ex omissione dñnatur.  
5 **E**piscopus quando teneatur Vicarium assumere? & num. 6.  
7 **E**piscopus tenetur prædicare, Missam celebrare quotidie, vel saltem audire, num. 8.  
9 **D**iocesim per se ipsum visitare.  
10 **D**elicta Clericorum punire.  
11 **E**xamini Ordinandorum interesse.  
12 **C**onsortium Malierum vitare.  
13 **E**leemosynam elargiri.  
14 **C**oncordiam Civium procurare.  
*Monacelli Form. Pars I.*

- 15 **P**upillis, & Viduis providere.  
16 **O**fficiales, & Ministros bonis moribus imbutos retinere.  
17 **I**racundiam, & Avaritiam fugere.  
18 **M**ansuetudinem amplecti.  
19 **I**n Civitate, seu Diœcesi residere.  
20 **O**rderationes sine suspitione Simoniae tenere, & ordines conferre.  
21 **B**onos mores in populo, & disciplinam in Clero promovere.  
22 **M**oniales reformare, & clausuram tueri.  
23 **V**ita irreprehensibili viam Cœli Subditos docere.  
24 **V**icarius Generalis debet esse probus, & fidelis, & num. 25.  
26 **S**cientia, & experientia idoneus.  
27 **S**cientia ad regimen est necessaria.  
*Judex non syndicatur de imperitia, sed de corruptione, & barrattaria, *ibid.**  
*Judex imperite judicans in jure certo facit litem suam, *ibid.**  
28 **P**rudentia, & Sapientia reperitur in senibus.  
29 **L**ex respicit ad ea, quæ frequentius eveniunt. Non ad ea, quæ raro. Episcopus tenetur defacto Vicarii imperii, *ibidem.*

A

30 Vt

2

### Formularium Legale Practicum

- 30 *Vicarius Episcopi est Ordinarius.*  
*Vicarius Generalis debet deputari in scriptis, ibidem.*
- 31 *Vicarius non præsumitur habere facultatem explendi reservata Episcopo, nisi probetur, num. 32. & 33.*
- 34 *Episcopus, an possit retinere plures Vicarios Generales?*
- 35 *Ecclesia consecrata, si polluatur, non potest reconciliari, nisi per Episcopum.*
- 36 *Episcopus non potest exigere charitatum subsidium, si non est pauper.*
- 37 *Episcopus, qui habet congruam excedentem taxam Concilii, non potest exigere charitativum subsidium.*  
*Episcopus non exigit charitativum subsidium à Clericis non Beneficiatis, nisi forte ad sit consuetudo, ibid.*  
*An illud possit exigere, si habeat bona patrimonialia, ibid.*
- 38 *Episcopus ex causa rationabili non tantum semel, sed pluries potest exigere charitativum subsidium.*
- 39 *Episcopus ex jure novo Taxæ Innocentianæ semel exigere potest charitativum subsidium pro primo in gressu, n. 40.*
- 41 *Quantitas charitativi subsidii est regulanda juxta indigentiam Episcopi, dummodo sit moderata.*
- 42 *Charitativum subsidium exigere non possunt Praelati inferiores Episcopo.*
- 43 *Episcopus potest delegare suo Vicario Generali omnia, quæ sibi specialiter commissa fuere, quoties non fuit electa industria personæ.*
- 44 *Vicarius Generalis venit sub nomine Episcopi, aut Ordinarii, nisi ex-*
- pressè excludatur.
- 45 *In delegatione, quando dicatur electa industria personæ?*
- 46 *Episcopus per se ipsum debet explorationem facere voluntatis Puellarum habitum Religionis suscipere volentium, nisi impeditus non sit.*
- 47 *Exploratio voluntatis suscipientium habitum Religionis debet fieri ab Episcopo in loco libero.*  
*Exploratio voluntatis ubi adest suspicio subornationis debet fieri extrâ locum, ubi Puella retinetur, ibi.*
- 48 *Exploratio voluntatis debet fieri ante susceptionem habitus, & renovari ante professionem etiam in Monasteriis exemptis.*
- 49 *Exploratio voluntatis debet redigi in scriptis.*  
*Actus qualis appareret in sua figura, talis præsumitur in sua essentia.*  
*Ecclesia per externa præsumit interna, ibid.*  
*Puella, que per externa professâ fuit cogitata in Religione permanere, etiam si animum profundi non habuisset, ib.*
- 50 *Vicarius Generalis non potest ex sola Episcopi delegatione indumenta sacra benedicere, & rejicitur Niccol. num. 51. & 52.*
- 53 *Episcopi in deputatione Vicarii Generalis, debent sibi ipsis reservare collationem Beneficiorum.*  
*Vicarius Generalis, qui habet facultatem substituendi, potest alium substituere, ut sibi conferat Beneficium vacans, ibid.*

N. Dei, & Apostolicae Sedis gratia Episcopus N.

Dilecto Nobis in Christo N. Salutem in Domino.

**C**um onus Episcopalis Ministerii tanti sit momenti, ut etiam ipsis Angelicis humeris formidandum videatur, operæ pretium duximus in administratio-ne Episcopatus N. quem Sanctiss. D. N. Papa nostræ inbecillitati superimposuit, *Vicarium idoneum advocare*, qui partem sollicitudinis nostræ in se assumendo pondus, quo ultrâ vires premimur, allevet. Hinc aciem nostræ mentis in personam tuam dirigentes, & defidelitate, probitate, prudencia, scientia, & experientia, aliisque quibus polles virtutibus plenè confisi, Te nostrum Vicarium Generalem, & Officialem ad nostrum beneplacitum in dicto nostro Episcopatu N. in spiritualibus, & temporalibus, tenore præsentium facimus, constituimus, & de-

deputamus, dantes, & concedentes tibi potestatem, & mandatum speciale Ecclesiastis, Altaria, & Oratoria ædificata, & ædificanda, & Divino Cultui deputata benedicendi, eaque polluta (*non tamen consecrata*) reconciliandi, à Casibus quibuscumque Nobis reservatis absolvendi, & aliis Confessariis, ut ab iisdem absolvere possint, facultatem delegandi, publicas, & solemnes paenitentias injungendi, litteras commendatarias, & testimoniales concedendi, dimissorias ad quoscumque ordines dandi, & super interstitiis dispensandi, Nobis tamen à Diœcesi absentibus; Causas matrimoniales cognoscendi, & decidendi; procreationem visitationis, Synodatum, quartam Funeralem, & charitativum subsidium, ut juris erit, exigendi; Novas Parochias erigendi, & erectas, collapsas que reficiendi, vel in Matrices Ecclesiastis transferendi, Beneficia erigendi, & resignationes illorum etiam ex causa permutationis recipiendi, & ad ea presentatos instituendi, ad Curata vacantia concursum indicendi, & eadem digniori conferendi, Economos tempore vaccinationis instituendi: Coadjutores Rectoribus Parochialium imperitis, & infirmis dandi; Causas omnes ad Forum nostrum tam de jure, quam ex consuetudine spestantes, & pertinentes, etiam si feudales, & heresis sint, cognoscendi, & decidendi; Edicta nostra exequendi Censuras fulminandi, ab ordine, Officiis, administratione, & Beneficiis, prout juris erit, suspendendi, privandi, destituendi, & deponendi, inquisitos, excommunicatos à Canone, suspensos, & interdictos à jure in casibus Nobis permisso absolvendi, causas criminales cognoscendi, & decidendi, brachium sæculare implorandi, pias voluntates exequendi, in creatione, & fundatione Beneficiorum jura Patronatus Fundatoribus reservandi, in alienationibus bonorum Ecclesiastarum, & Locorum Piorum ad formam Sac. Canonum auctoritatem prestandi, & decretal interponendi; Letteras Monitoriales in forma significantes pro rebus deperditis, seu furto subtrahitis juxta formam juris, & Bullam Beati Pi V. concedendi, Ecclesiastis omnes, Loca pia etiam exempta, & Monasteria Monialium visitandi, litteras Apostolicas Nobis, seu Vicario nostro directas, & dirigendas aperiendi, & nisi industria persone eligatur) exequendi; Jurisdictionem in Regulares, & exemptos ad formam Sac. Concil. Trid. Constat. Apostolic. & Decret. Sac. Congreg. exercendi, juramentum ad effectum tantum, agendi, & dummodò solutionem petentes perjuri non sint, relaxandi, Confessarios tūm Seculares, tūm Regulares (*non tamen Monialium*) examinandi, & ad tempus approbandi, & facultatem eis concessam ex causa revocandi, voluntatem Puellarum habitum Religionis suscipere, sive profiteri volentium (*Nobis impeditis, aut absentibus*) explorandi, licentias pro ingressu in Clasuram Monialium pro rebus tantum necessariis Officialibus, Artificibus, & Colonis concedendi, Sac. Suppelætilem, aliaque indumenta Ecclesiastica, in quibus Sacra Unctio non adhibetur (*quantum ad nos spectat*) benedicendi, unum, vel plures Vicarios, Nobis absentibus, in casu aliquijus necessitatis cum eadem, vel minori auctoritate nomine nostro ad tempus substituendi, & cætera exercendi, quæ ad officium Vicariatus noscuntur pertinere. Volumus autem, quod in Vicarium, & officialem nostrum Generalem omnes Nobis in Episcopatu, & jurisdictione subjecti Te recognoscet, recipient, & admittant, atque, ut par est, Tibi obedient; Si quis verò inobediens fuerit, condigna poena serietur. In quorum, &c. Dat. &c.

N. N. Episcopus N.

A. 2.

A. D.

## ADNOTATIONES.

1. Si Episcopus, habita consideratio ne ad qualitates personæ electæ , veller pauciora expressis in formula concedere , & aliqua ex ibidem concessis reservare , poterit ad libitum facultatem restringere ad paucæ specialia , quæ non censentur commissa , nisi in litteris exprimantur : At si majora expressis concede re vellet , & illimitatam electo facultatem tribuere , tunc post enumerationem aliquorum specialium in formula contentorum , addat in fine clausulam sequentem -- *Et cetera alia omnia faciendi , gerendi , & exercendi ; etiam si talia forent , quæ mandatum magis speciale requirerent : Cujus vigore Vicarius Generalis in his , quæ sunt jurisdictionis . eamidem potestatem , quam Episcopus habet , consequitur , quamvis specialia , quæ Vicarius vigore mandati generalis facere non potest , non exprimantur , ut tradunt Barbos. de Offic. & Potestat. Episc.alleg. 54.n.124. Pirhing. in jus Can. tom.1. lib. 1.tit. 2.8. §. 4. num. 48. in fin.*

2. Præter autem specialia , quæ exprimuntur in formula , & quæ Vicarius vigore mandati generalis explere non valet , alia plura inveniuntur jure , prout sunt elargitio Indulgentiarum , potestas absoluta dimissoriæ concedendi , ea quæ sunt ordinis Episcopalis committendi , Beneficia conferendi , & uniendi , pensiones in casibus à jure permisis super illis imponendi , reis gratiam faciendi , voluntates Testatorum in casibus de jure Episcopo concessis commutandi , juspatoratum in Laicum donandi , & transferendi , nova Monasteria erigendi , licentias dandi , Confessarios Monialium approbandi , numerum Canonorum augendi , Concionatores approbandi , interdictum relaxandi , irregularitates , & vota occulta in casibus Episcopo permisis dispensandi . Haec inquam censentur præter alia notata minusculo caractere informula Episcopo reservata , nisi explicitè , vel saltem implicitè , & virtualiter per clausulam -- *Et cetera alia omnia , &c. de qua in §. præcedenti concedantur , ut com-*

*muniter docent Tusch. litt.V. conclus. 189. Zecch. de Republ. Eccles. cap. 23. de Vicar.*

*Episc. Barbos. de Offic. & Potest. Episcop. alleg. 83. num. 5. Ventrigl. prax. p.2. annot.*

*14. Pac. Jordan. tom.2. lib. 12. tit. 1. à n. 142. ad 230. Passerin. inc. Cum in Generali num.*

*20. & 21. de Offic. Vicar. super 6. Nicol. lucubr. Can.lib. 1.tit. 28. de Offic. Vicar. ampl.*

*44. & 45. Rot. coram Buratt. decis. 702. & coram Coccin. decis. 652. num. 8. & coram Zarath. decis. 26. n. 3. & 4. & coram Celf. dec.*

*199. n. 6. apud quos alia specialia invenies.*

3. **ONUS EPISCOPALIS** . Gravissimum quidem est onus Episcopatus : inest enim huic Dignitati principaliter , & essentialiter labor maximus in procuranda salute Animarum , quæ Cura cum sit ars artium , & à paucis sciatur , meritò iste honor à viris prudentibus , non solum non appetitur , sed exhorrescit , quia cum salus populi sit præcipua , & finalis , nemo sapiens læto creatur animo ; nam exterioribus Curis non debet esse tam dedicatus , ut ab intimis corruiat ; nec solis interioribus occupatus , ut quæ foris sunt , proxiniis non impendat , ut monet Divus Gregor. relatus à Barbos. de Potest. Episcop. par. 1.tit. 2. glos. 16. num. 2. & glos. 2. num. 14.

4. **FORMIDANDUM** . Quia quamplures Episcopi non tantum commissione , sed omissione damnantur , teste Episcopo Sperellio dec. 126. n. 30.

5. **ADVOCARE** . Quæstio olim fuit inter DD. an Episcopus teneretur , & cogi posset ad sibi assumendum Vicarium ? Et affirmativam sententiam tenuit Zecch. de Republ. Eccl. cap. 23. de Vicar. Episc. cum aliis ab eo allegatis . Verum Rot. Romana coram Cavaler. dec. 418. & in Recent. par. 14. deci. 115. n. 19. absolutè negativam sequitur : Alii autem quos citat , & sequitur Gratian. discept. 561. n. 16. & seqq. fædere distinctionis oppositas has Sententias conciliant , nempe quod prima Sententia affirmativa procedat in Episcopatibus magnis , & numerosis , secunda verò negativa locum habeat in Episcopatibus parvis , quam distinctionem sequutus est Pirhing. in jus Can. tom. 1. lib. 1. tit. 28. nu. 28.

6. Cardinalis verò de Luc. descendendo ad præsum , relicta opinione Rotæ quam am-

amplexus fuerat in disc. 24. n. 5. de juris dicit quod Sac. Congreg. Episcop. in Diœcibus, ubi retineri consuetum fuit, soleat demandare retentionem Vicarii, si Diœcesani recurrent; In aliis vero Diœcibus exigui Territorii, vel ubi paupertas Ecclesiae ita suadeat, soleat dispensare ad tempus, etiam dilatatione pluries concedendo, prout facti qualitas exigit, ut in disc. 4. n. 4. adnot. ad Concil. & cum hac praxi hodiè vivitur saltem in nostra Italia. Verum Sacr. Congreg. Concilii sub die 11. Februar. 1696. approbando Votum Rotæ editum 18. Junii 1694. & 11. Martii 1695. coram Emerix. in Valven. Præminentiarum, admisit quod Episcopus non possit arctari ad tenendum Vicarium, juxta decis. C. valerit.

7 P R E M I M U R . Premitur enim Episcopus obligatione Verbum Dei prædicandi, monita salutis dandi, & populum in Lege Domini instruendi, non tantum in Cathedrali, verum etiam in Diœcensi tempore visitationis, c. Episcopus 88. dist. cap. Placuit 10. quæst. prima cap. 1. §. Sanè de Cens. in sexto, Concil. Trid. sess. 5. cap. 2. de Refor. Fagnan. in cap. Ex parte de Cler. non res. Rot. coram Merlin. dec. 618. ferè per tot. Act. Apost. 6.

8 Sacrificium Missæ quotidiè celebrandi, vel saltem audiendi, cap. fin. de privil. in sexto, ac si celebret, pro ovibus suis Sacrificium applicandi, Concil. Trid. sess. 23. de Reform. cap. 1.

9 Diœcesim per se ipsum legitimè non impeditus diligenter tempore debito visitandi, Concil. Trid. sess. 24. cap. 3. de Reform. Fusc. de visit. lib. 1. cap. 3. n. 18. Barbos. de Offic. Episc. par. 1. tit. 2. glos. 10. n. 24. Fagnan. in dicto cap. Ex parte de Cleric. non resid. nu. 39. Chrispin. de visit. par. 1. §. 1. num. 2. & 3.

10 Delicta Clericorum, præsertim publica, puniendi, & mores reformati, cap. Nemo quippè & cap. Si quis Episcopus dist. 83. cap. Quid autem 8. quæst. 1. cap. Et injusia 33. quæst. 4. cap. fin. de excess. Prælat. c. 1. §. Sanè de Cens. in sexto, Sperell. decis. 126. num. 23. & 24.

11 Examini Ordinandorum præsentiter intercessendi, & à personarum acceptione cavendi, Glos. in cap. Ad hæc de Offic. Archid. vers. Examinentur, Piasec. Monacelli Form. Pars I.

prax. Episc. par. 1. cap. 1. art. 7. n. 5. & 6. Barbos. de Offic. & potest. Episc. alleg. 10. num. 1. 12 Consortium Mulierum fugiendi, cap. Interdixit, & cap. seq. 32. dist. Barbos. eodem tract. part. 1. tit. 2. gloss. 8. per tot. ubi dictum Divi Hieronymi refert illis verbis Fœminam quam benè videris conversantem, mente dilige, non corporalifrequentia.

13 Eleemosynam etiam publica liberalitate elargiendi, cap. Frairem 86. dist. Concil. Trid. sess. 25. cap. 1. de Reform. cap. Episcopus, cap. Rex Ecclesæ, & cap. seq. 12. quæst. 1. quoniam eleemosyna à morte liberat, & ipsa est, quæ purgat peccata, & facit invenire misericordiam, & vitam æternam, Tob. 12. si autem obturaverit aurem suam ad clamorem pauperis, & ipse clamabit, & non exaudiatur, Proverb. 21.

14 Concordiam, & pacem, & unitatem non tantum inter Ecclesiasticos, sed etiam Laicos fovendi, cap. Præcipimus, & per tot. 90. dicto cap. Episcopus, & dicto cap. Res Ecclesie, & cap. seq. 12. quæst. 1. Graff. dec. aur. par. 2. lib. 2. cap. 21. nu. 21.

15 Pupillis, Viduis, alisque pauperibus oppressis providendi, tuendi, & iustiam ministrandi, c. Pervenit, &c. c. scq. 84. dist. c. 1. 2. & per tot. 87. dist. c. Scire 23. q. 8. c. Super quibusdam in fin. de verb. signif.

16 Officiales, & Ministros bonis moribus, bonaque fama præditos retinendi, improbosque arcendi, Concil. Trid. sess. 2. de Reform. cap. unico, Barbos. de Offic. & Potest. Episc. par. 1. tit. 2. glos. 16. nu. 10. Piasec. prax. Episc. par. 2. cap. 3. art. 1. pest. nu. 4. cap. Pervenit, & cap. seq. 2. quæst. 8.

17 Iracundiam, & avaritiam fugiendi, ut de prima monet. *Apostolus ad Rom. cap. 12.* quia ira viri iustitiam Dei non operatur, *Jac. Apost. 1. cap. Episcopus 11. quæst. 3.* in fin. *Pac. Jord. tom. 1. lib. 1. tit. 6.* à num. 1. & seqq. & de secunda à Sacris Canonibus execrata, Amostaz de caus. piis lib. 2. cap. 6. & Romaguer. ad Synod. Gerund. lib. 3. tit. 1. cap. 2. num. 34. & est Text. in cap. Ex parte de Cens.

18 Mansuetudinem Pastoralem, & humilitatem amplectendi, nàm ubi est humilitas, ibi est sapientia, Proverb. 11. cap. Licet plerunque 45. dist. Concl. Trident. sess. 13. cap. 1. de Refor. Barbos. de Offic.

Offic. & Potest. Episc. par. 1. tit. 2. glos. 12.  
tit. 17.

19 In Civitate, vel loco ubi Cathedra existit (nisi necessitas aliud exposcat) continuo residendi, muniaque Episcopalia per se ipsum explendi, Concil. Trid. cap. 1. sess. 23. de Reform. Tusch. litt. E. concl. 234. num. 7. Graff. dec. aur. part. 2. lib. 3. cap. 14. n. 2. cap. Relatum, cap. Nonnulli de resid. in sexto, Fagnan. in cap. Dudum n. 27. de elect. & in cap. Ex parte n. 25. & 29. de Cler. non resid.

20 Sacramentum Ordinis sine labe, & suspicione Simoniæ, aut spe munerum, & tantum dignis conferendi, cap. Sacerdotes 49. dist. cap. Presbyter 1. quæst. 1. cap. Per tuas de Simon. Bellet. disq. Cler. par. 1. §. 4. num. 49. memor ultionis Dei in Dominum Jeroboam lib. 3. Reg. cap. 3. ubi narratur, quod quicunque volebat, implebat manum suam, & fiebat Sacerdos excelso rum, & propter hanc causam, peccavit Dominus Jeroboam, & eversa est, & deleta de superficie terræ.

21 Bonos mores in populo, disciplinam in Clero, nitorem, & decorum in Ecclesiis totis viribus fovendi, & promovendi Concil. Trid. cap. 3. sess. 24. de Reform. Bellet. disq. Cler. par. 1. §. 5. de favor. Cler. real. n. 67. & seqq. Chrißpin. de visit. part. 2. §. 14. nu. 8. reportantes finem Fidei eorum salutem Animatum, Petr. 1.

22 Moniales reformandi, Clausuram custodiendi, & tuendi, Concil. Trid. sess. 15. de Regular. cap. 5. Donat. prax. rer. Regular. tom. 2. ca. 3. de Claus. Monial. quæst. 2. nu. 18. & quæst. 4. num. 5. & tom. 4. tra. 15. de vot. paupert. quæst. 5. num. 1.

23 Vita irreprehensibili iter quo ad Cœlestem Patriam pergimus, cunctos sibi subiecto docendi, Divus Paul. 1. ad Tim. cap. 3. Pac. Jord. tom. 1. tit. 1. num. 60. & seqq. Barbos. de Offic. & Potest. Episc. par. 1. tit. 2. glos. 3. n. 4. Si enim Episcopus præmissa negligenter, & flocci faceret, non esset sine crimine, & populus in die Domini eum sua officia non agentem judicabit, cap. Veror 8. quæst. 1.

Unde cum nil magis deceat debilitatem humanam, quam, subsidia, & fulcimenta venari, quibus innixa deficere, ac ponderi succumbere non pavescat, Episcopus

in tam grandi Dignitatis fastigio adjutorum sibi adsciscat idoneum.

24 FIDELITATE, PROBITATE, SCIENTIA, ET EXPERIENTIA, Vicarius debet esse fidelis in iis, quæ sibi ab Episcopo demandata fuere, scilicet in exequendo, in referendo, in secreto tenendo, in consilio dando, in jura tuendo, & in administrando justitiam.

25 Probus, quia qui præfest, ut juvet, exemplo virtutum eum præire necesse est, alias in gubernio nihil proficiet, sed potius Clerum, & Plebem inficit, cap. cum in cunctis 7. de elect. in princ.

26 Debet esse scientia, & experientia idoneus, quia imperitus non potest esse Judex Ecclesiasticus, ut dicit Glos. in prefatione dist. 20. verb. imperitis: Alias si Episcopus indoctum, ad officium ineptum deputaret, graviter peccaret, ut communiter tradunt Navar. lib. 1. cons. 1. de Offic. Vicar. Ricc. dec. Cur. Archiepis. Neap. 305. n. 1. & 2. par. 4. Garz. de Benef. p. 5. cap. 7. n. 17. & 18.

28 Et ratio convincens est, quia scientia ad regimen est simpliciter necessaria: Et licet hodie de consuetudine Judices non syndicentur de Sententiis per imperitiam male datis, sed tantum de furtis, male ablatis, dolo, foribus, corruptione, & barrattaria, Merlin. dec. Lucen. priman. 2. Vulpin. succ. Farinac. par. 12. ex quæst. 111. art. 16. n. 46. Nihilominus Judex imperite judicando in jure certo, facit item suam, & tenetur ad intereste partis, Glos. punctionalis in cap. Sacro, verb. de intereste de Sentent. excommunic. quia imperitia annumeratur culpæ, Glos. in cap. Si homicidium, verb. imprudenti 23. quæst. 5.

28 Caveant propterea Episcopi, ne pretio, aut precibus, sive alia quavis suadente ratione inducantur ad assumendum, Vicarium, qui ætate, moribus, & doctrina non sit gravis. Et quamquam ætas 25. annorum sufficiens in jure reputetur, tamen difficile est, quod in ista ætate quis sit aptus: Nam Divina eloqua Nos docent, quod prudentia, & sapientia reperitur in senibus, juxta illud Job. 12. In antiquis est sapientia, & in multo tempore prudentia, & Exod. 3. Vade, & congrega seniores: Et Moyses jussu Dei rerum omnium Provisoris elegit

git 70. Presbyteros (hoc est seniores) qui simul cum eo gubernarent Num. 11. & denique Dominus cum ad judicandum venerit Assessores habebit seniores, *Isaias* 3.

29. Non inficior tamen, quod non possit aliquis juvenis hujusmodi ætatis acri ingenio idoneitatem necessariam habere, sed dico, quod casus raro contingit, ad quem lex, regulaque non respicit, sed ad id, quod frequenter accidit, *I. nam ad ea, ff. de leg. Sanchez de Matrim. l. 3. disp. 41. num. 5. vers. Quod si dicas, Fulgnin. de jur. emphyt. tit. de solut. Can. quæst. 1. n. 129.*

Propterea existimo, quod, si non possit haberi magis providus, & ætate proiectior, debeat esse saltem triginta annorum completorum: Cum enim juvenilis ætas ad malum prona difficile refreneretur, non expedit, quod Tribunal Episcopale, à quo bona cuncta Diœcesis procedere debent, junioribus committatur.

Quia Episcopus se exponit periculo relevandi factum sui Vicarii, de quo tenetur, si delinqueret in officio, & sibi imputare deberet, si malum elegit Ministerium, ut monet Piasec. *Prax. Episc. tit. de person. Judic. num. 16.*

30. **TENORE PRÆSENTIUM.** Quamvis Vicarius Episcopi dicatur Jūdex Ordinarius, & habere mandatum à lege per *Glos. in cap. 2. vers. Officiale de Offic. Vicar. & in cap. Romana, vers. Generaliter de appellat. & cap. 1. & 2. de Offic. Ordin. in sexto*, ibique DD. communiter; nihilominus debet in scriptis constitui, & deputari, non quia sit necessaria scriptura; sed ad probationem in casu, quo à partibus ejus auctoritas super aliquo speciali de jure Episcopo reservata negaretur, vel alijs in dubium revocaretur.

31. Periculosa est enim doctrina *Venitriglia in prax. part. 2. annor. 14. nu. 52. & 53.* ubi conatur probare, quod si auctoritas Vicarii negetur, aut de ea apponatur postquam Vicarius ea usus est, debeat præsumi illam habuisse ad sustinendum actum, maximè si præsente Episcopo explevisset ea, quæ requirunt specialem facultatem.

32. Quia cum specialia Episcopo à jure reservata, ut suprà probatum fuit, non censeantur, neque præsumantur con-

cessa, nisi in mandato, & constitutione Vicarii exprimantur, præsumptio stat pro nullitate actus, nisi probetur commissio, quam probare tenetur ipse Vicarius, vel alius, qui eam supponit, ut in individuo advertunt *Zech. de Republ. Eccles. cap. 23. de Vic. Episcop. vers. 1. nu. 6. Pac. Jord. tom. 2. lib. 12. tit. 1. num. 119.* Et est generale, quod quando qualitas, seu idoneitas requiritur à lege, non præsumitur, sed est probanda, cum sit qualitas extrinseca, licet intrinseca præsumatur inesse, ut distinguit Piasec. *prax. Episcop. part. 1. cap. 1. art. 7. nu. 2. & art. 8. num. 5.*

33. Tūtior ergo via est, quod Vicarius in principio sui Officii coram Capitulo Cathedralis per Cancellarium litteras suæ deputationis publicare faciat, & deinde penes Acta Cancellariæ per extensum registrari curet.

34. An autem unus tantum, vel plures Vicarii Generales in eadem Diœcesi ab Episcopo constituti possint, affirmant *Zech. de Republ. Eccles. loco cit. vers. 1. numer. 3. Ricc. prax. For. Eccles. part. 2. resol. 199. Barbos. de Offic. & Potest. Episcop. alleg. 54. num. 126. Pac. Jord. tom. 2. libr. 12. tit. 1. num. 24. Pirhing. in jus Can. lib. 1. tit. 28. num. 29.* Negant alii quos sequuntur Nicol. lucubr. *Canon. libr. 1. tit. 28. nu. 7. pag. mibi 51.* nisi adesset in loco consuetudo, vel agatur de Episcopo, qui habeat unitas duas Diœceses: At omnes in hoc conveniunt, quod Episcopus non possit habere plures Vicarios, vel Tribunalia juxta numerum dominiorum temporaliū, ad quæ Diœcesis se extendit.

35. **NON TAMEN CONSECRATA.** Ecclēsia consecrata, si polluatur non potest reconciliari, nisi per Episcopum, neque per eum facultas ista delegari potest, *capit. Propositi de consecrat. Ecc. Barbos. de Offic. & Potest. Episcop. allegat. 28. numer. 55. Nicol. lucubr. Canon. libr. 5. tit. 39. de pullut. Eccles. num. 257.*

36. **CHARITATIVUM SUBSIDIUM EXIGENDI.** Exigi non potest charitativum, nisi concurrente necessitate, egestate, & impotentiā Episcopi; Quia cum sit charitatis auxilium, & remedium subfidiarij, non est diviti succurrendum,

ut communiter firmant Host. in c. cum Apostolus numer. 7. ibique Abb. numer. 2. Graff. decis. aurea part. 1. libr. 3. cap. 2. n. 39. & 42. Barbos. de Offic. & potest Episcop. alleg. 87. num. 28. Bellett. disq. Cler. part. 1. §. 12. de Cler. debit. num. 2. & 6. Tambur. de jur. Abb. tom. 3. disp. 10. quæst. 1. num. 1. & 2. Ventrighil. prax. rer. notab. p. 2. annot. 25. §. 1. num. 2. & seqq.

37. Et hinc oritur, quod Episcopus, qui habet congruam pinguem, quæ excedat taxam à Concilio præscriptam, illud non exigit, ut respondit Sac. Congreg. Concilii in Gerunden. 17. Febr. 1663. & Sacr. Congr. Episcop. in Policasren. 19. Aprilis 1697. referente clar. mem. Card. Petrucci. Neque à Clericis non Beneficiatis, Leoncili. de privil. paup. part. 2. privil. 50. uum. 29. Barbos. de Offic. & potest Episcop. alleg. 87. num. 48. nisi forte adeset consuetudo contraria, quod ab omnibus Clericis exigeretur, juxta opinionem Ventrighil. suprà citat. nu. 40. in fin. Imò quod, si Episcopus habeat bona propria patrimonialia non possit exigere charitativum subsidium tenet Menoch. de arbitr. lib. 2. cas. 178. nu. 13. quem tamen reprobatur Ventrighil. prax. part. 2. d. annot. 25. §. 1. nu. 4. dicens doctrinam Menochii procedere in subsidio debito domino temporali.

38. Concurrente autem legitima causa rationabili, & manifesta, non tantum femel, sed etiam pluries posset ab Episcopo exigi charitativum subsidium, juxta dispositionem Text. in c. cum Apostolus de cens. ubi Abb. nu. 2. Barbos. d. alleg. 87. nu. 36. Bellet. loc. cit. num. 5.

39. Attamen jure novo Taxæ Innocentianæ per viam legis universalis saltem in Italia publicatae exigi tantum potest in illis Diœcesibus, in quibus solitum fuit solvi, & quidem unica vice in primo ingressu Episcopi, ut ipsa Taxa disponit, ibi. Il suffidio caritativo in quelle Dioceſi, nelle quali sia solito d' esigereſi, e non altrimente, ſi eſiga ſolamente per una ſol volta nel primo ingresso del Vefcovo, ſecondo la Taffa ſolita antica di 40. anni indietro.

40. Verū animadvertis, quod verba illa - *Nel primo ingresso del Vefcovo,* non debent intelligi iudaice de ingressu physico, adeout non possit Episcopus exigere,

nisi personaliter ingressum faciat; sed quod non debeatur, niſi legitimè ingredia tur in possessionem Cathedræ, vel per ſe ipsum, vel per Procuratorem.

41. Quantitas verò abſque laſione Innocentianæ, præfertim in illis Regionibus ubi publicata non fuit, taxanda erit juxta indigentiam, dummodò sit moderata, & non onerosa, Sac. Congr. Concil. in dict. Gerunden. de anno 1663. ad quintum, tam pro expeditione Bullarum, quam pro alia cauſa dependente ab Ecclesia, Sac. Congr. Episcop. in Hidrunina 22. Jan. 1601.

42. Hoc charitativum ſubſidium Prælati inferiores Episcopo, etiamſi habeant Territorium ſeparatum, & jura Epipalicia, non debent, nec poſſunt exigere, ut censuit Sac. Congr. Episcop. in una Nullius Altamura 14. Martii 1697. quod au tem in hujusmodi caſu eſſet indulgenda fa culta exigendi, tenet Ventrighil. prax. p. 2. d. annot. 25. §. 1. num. . . .

43. NIſI INDUSTRIA PERSONÆ ELIGATUR. Generaliter loquendo Episcopus etiam ea, quæ non ut Ordinarius, ſed ut ſpecialis Delegatus Apoſtolicus agere potest, ſuo Vicario Generali valet committere, & ſubdelegare, ex illa vulgari regula, quod Delegatus Principis po tent ſubdelegare, niſi in reſcripto delegationis aliter expreſſum non reperiatur aut ex tenore, & vi verborum designata, & electa non ceneſatur industria personæ Epipscopi, cap. ultimo, §. Is autem de Offic. Tit. & etiam quia ea omnia, quæ ſunt jurisdictionis, committi poſſunt Vicario Generali, per Glos. in c. Pervenit 95. dift. Piaſec. prax. Episc. pag. mibi 409. n. 50. in fin.

44. Et tandem quia ſpeciale eſt, quod ſub nomine Epipscopi, aut Ordinarii, Vicarius Generali ſemper includatur, niſi expreſſe excludatur, prout tradunt Gratian. decis. March. 97. n. 15. Ricc. decis. Cur. Arch. Neapol. 79. n. 5. p. 4. Petr. Paul. Guazzin. ad defenſ. animar. l. 2. de Judic. defenſ. l. ca. 9. nu. 28. & 29. Sperell. decis. 97. n. 1. & 2.

45. Quando autem dicatur in litteris delegationis electa industria personæ, viden di ſunt, Gratian. diſcept. 644. n. 23. Pac. Jord. tom. 3. lib. 13. tit. 6. à n. 28. ad 47. Fagnan. in cap. Quoniam n. 18. & 23. de Offic. Judic. deleg. Ros. de execut. litt. Apoſtol. p. 2. cap. 5.

cap. 3. à nu. 10. usque ad 27. Graff. dec. aur. par. 1. lib. 1. t. 13. n. 17. ubi septem demonstrationes affert; nempe. Prima, quando ratione confidentiae alteri committitur. Secunda, quando conscientia oneratur, & proprium nomen exprimitur. Tertia, quando præstatio consilii requiritur in certo actu ad certum tempus. Quarta, quando mandatur negocium non determinatum. Quinta, quando Delegatus esset datus ad partis instantiam. Sexta, quando gravia, & ardua mandantur. Septima, quando agitur de re, & controversia, quæ ingenium, & hominis peritiam respicit.

46. **NOBIS IMPEDITIS, AUT ABSENTIBUS.** Hæc clausula ponitur in formula ad demonstrandum, quod, si Episcopus non est legitimè impeditus, vel absens, debet per se ipsum explorationem facere, quia Concil. Trid. sess. 25. cap. 17. de Regul. videtur in hoc elegisse industriam personæ ipsius, ut observat Zecch. de Republ. Eccles. de Vicar. Episcop. c. 23. n. 3. vers. Undecimo potest. Barbos. Supr. d. c. 17. nu. 5. Tambur. de jur. Abbatis disp. 4. q. 2. nu. 7. Agitur enim de re gravi, quæ si diligenter, prout Concilium mandat, fieret, & non cursim, & perfunditorie, non audirentur quotidiè cum perturbatione Monasteriorum, & conscientiarum tot recursus in Sac. Congr. Conc. super nullitatibus professionum ex defectu liberæ voluntatis.

47. Ideoque ne illarum sanguis de manu eorum requirat Deus, curare debent Episcopi, quod Puellæ spontanea, libera, & devota voluntate profiteantur; Et si adit suspicio, quod non solùm ex parte confanguineorum, sed etiam Monialium Puella vi, metu, vel minis, ac importunis precebus impellatur ad profitendum, aliusque malis artibus subornetur, & quod ejus voluntas non sit libera, sed seducta, si retineatur in Monasterio, inde extrahi illam faciant, & voluntas in loco libero semotis arbitris ab ipsissimis Episcopis exploretur, ut pluries demandavit Sac. Congr. Episc. & Regul. nempe in Lunen. Sarzanen. 5. Octobr. 1692. in Fulginat. 3. Octob. 1692. & in Meceraten. 8. Augusti 1698. & monent Barbos. de Offi. & Potest. Episc. alleg. 100. n. 5. Donat. de Regular. tom. 4. tr. 9. q. 8. n. 4. & q. 22. per tot.

48. Advertendum quoque est, quod hu-

iusmodi voluntatis profitendarum exploratio debet fieri tam ante susceptionem habitus, quam ante emissionem professionis post annum probationis, etiamsi Monasterium Monialium esset subjectum Regularibus Sac. Congr. Episc. & Regul. in Vican. 30. Septemb. 1596. Barbos. d. alleg. 100. nu. 4. Tamb. de jur. Abbat. disp. 4. q. 4. n. 4. Donat. ubi sup. n. 3. Quamvis si semel tantum fieret, aut nunquam, adhuc professio valida esset, Donat. d. qu. 8. nu. 8. Nicol. lucubr. Can. lib. 3. tit. 1. de vit. & honest. Cleric. post num. 22. vers. Si verò examen.

49. Factaque per Episcopum, sive eo impedito per Vicarium exploratione, cautheia est, quod redigatur in scriptis, & reponatur una cum licentia congregandi Capitulum, & fide Abbatissæ super acceptatione in Actis Cancellariæ; Nam licet defectus iste non irritet (ut mox dicebam) professionem, attamen multum juvat alleganti libertatem, & seductionem voluntatis; sicuti non parum prodest validitati professionis contrà illam infringere volentem, si constet per diligens examen animum voventis ad formam Concilii suisse exploratum. Quia tunc actus qualis apparet in sua figura, talis præsumitur in sua essentia, ut dicit Castr. conf. 261. in princ. l. 2. & Ecclesia per externa præsumit interna, quia per illa, hæc declarantur, etiæ si animum profitendi non habuisset; Unde in ca. Quod interrog. 27. dist. dicitur. Penitentiæ agat de illusione nefanda, & revertatur ad id, quod spopondit, & idem habetur in c. Viduas 27. q. 1.

50. **QUANTUM AD NOS SPECTAT.** Hæc clausula ponitur in formula, quia juxta præmixtum præter auctoritatem delegatam Episcopi debet Vicarius pro benedicendis paramentis sacris obtinere licentiam Sac. Congr. Rituum, quæ solet illam concedere in hunc, qui sequitur modum Sac. Rit. Congr. attribuit ad triennium N. Vicario Generali N. facultatem benedicendi sacram suppellefitem, aliaque induimenta Ecclesiastica, in quibus tamen Sacra Urdio non adhibetur, & diu modo expressus interveniat Ordinarii consensus, &c. vel rescribendo Episcopo -- Sac. Rit. Congregat. facultatem induit Reverend. D. N. moderno Episcop. N. ut subdelegare possit licentiam benedicendi Sacra Suppellefilia Eccl-

*Ecclesiastica*, in quibus tamen Sacra Unctio non adhibetur, ejus Vicario Generali, & aliis Sacerdotibus suæ Dioecesis sibi bene visis in aliqua Dignitate Ecclesiastica constitutis, &c. juxta Decretum relatum à Gavant. in Manual. Episcop. verb. *Benedictio num. 5.* & quod servatum vidi pro me ipso, dum munere Vicarii Generalis functus fui in Ecclesiis Venusina, & Aesina.

51 Contra hanc observantiam, & Decretum à Gavant. relatum, insurgit Nicol. lucub. Can. lib. 5. tit. 33. de privil. post num. 18. Et primò objicit, quod de Decreto non constat authenticè. Secundò, quod non est usu receptum, præsertim Romæ cùm R. P. D. Vicesgerens passim auctoritate ordinaria deleget quibuscumque Presbyteris hanc facultatem. Tertiò, quod hujusmodi benedictio, in qua non intervenit Unctio Sacra, & non sit Ordinis Episcopalis, sed jurisdictionis, & Sacerdotalis, possit à solo Episcopo delegari, sicuti delegatur reconciliatio Ecclesiæ pollutæ, quod est plus. Quartò, quod licentiae, quæ expediuntur à Sacra Congregatione Rituum, fiant ad cauthelam, & ad majorem conscientiæ serenitatem non autem de necessitate.

52 Huic Nicolii sententiæ favere videbantur Decreta, relata à Barb. in Sum. decis. Apostol. collecti. 301. num. 5. quæ tamen per errorem ibidem allegata fuissent (ut sèpè accidit Collectoribus) credendum est: Quia in verb. *Benedictio collecti. 59. num. 3.* referendo eadem met Decreta, dicit idem Barbo, quod, ut Episcopus possit hanc facultatem aliis delegare, exigitur licentia Sedis Apostolicæ, & ita concordat cum Gavanto, cui cum praxis ita servet, & ipse adhærere non dubito, quicquid sit, an speculativè loquendo opinio Nicolii sustineri possit, nec nè. Et hanc Sententiam tenet modernus Corbett. *prax. Cœrem tract. 1. part. 2. cap. 14. num. 1.* ubi quod hæc benedictio sit de potestate Ordinis.

53 Tandem in constitutione Vicarii Generalis, sive pauca, sive multa, sive plura, sive omnia specialia concedantur, semper collationem Beneficiorum sibi ipsis Episcopi reservent; tūm quia congruit, quod soli possint dignos, & emeritos Ecclesiæ præmio fovere; tūm ne Vicarius,

qui habet facultatem ad tempus substi-tuendi, affectando causam absentiaæ, vel alterius necessitatìs, alium substituat, ut sibi conferat, quod facere validè posset, prout sustinet Zecch. de Republ. Eccles. tit. de Vicar. Episc. cap. 23. post num. 4. §. Et ubi Vicarius interpretatione sexta; Tūm demum ne collusionis, aut cujufvis alterius pactionis pravæ cum proviso suspi-candi occasio relinquatur.

54 Cætera, quæ pertinent ad officium, potestatem ordinariam, durationem, & præminentias Vicarii, & Officialis Generalis Episcopi, videri possunt apud Cucch. & Jacob. Sbroz. qui integras, & absolutos ediderunt Tractatus, necnon Tusch. lit. V. conclus. 189. Zecch. Barb. Pac. Jord. Ventrigl. & Pirhing. in locis supra allegatis: Non enim ad hæc transcriben-da calamus paravi; sed tantummodo pro intelligentia clausularum in formulis contentarum, quæ non omnibus in foro Ecclesiastico versantibus obvia est, ex-planationis Provinciam licet exiguum pro mea tenuitate aggredior.

### Deputationis Vicarii Generalis Capituli.

#### FORMULA II.

#### S U M M A R I U M .

- 1 Capitulum etiam extrâ casum mortis Episcopi potest Vicarium constituere.
- 2 Capitulum non eligit Vicarium, quando Vicarius Episcopi in remotis degentis moritur, vel est suspensus, aut excommunicatus, vel missus à Congregatione, sed recurritur pro provi-sione ad Sedem Apostolicam.
- 3 Tempus à Concilio præfixum pro elec-tione Vicarii Capitulari incipit currere à die scientiæ mortis certæ, & non præsumptæ, vel à die translationis ad altam Eccle-siam.
- 4 Capitulo negligente eligere, vel nulliter eligente, electio Vicarii devol-vitur